

vber sich zuschawen gleichsam vermahnt.
 Hierzwischen aber feingmählich vnnnd sitts-
 sam fortgeschossen/ endlich als es dem An-
 sehen nach schier zu der Erden kommen/
 widerumb erloschen vnnnd verschwunden
 ist. Welches Wunder Gottes dann viel
 Personen an vnderschiedlichen Orten war-
 genommen / weil es sich eben zur Abend-
 zeit begeben / da man vñ Feld musste heim-
 gehen; sonderlich aber diejenige / so damas-
 len auff dem Gebirg vñ Höhen / einen frey
 vnuverhindertē Horizont gehabt / sein End
 wol ersehen können: vnd auch Ich selbstē/
 der ich dazumahl von Weinbergen nach
 Haus vmbkehrte / mit grosser Verwunde-
 rung ansichtig worden / auch so weit sich
 mein Gesicht auß ingehabter nidriger stell
 erstreckt / mit allem fleiß auffgemercke
 habe.

Als ich nun folgenden Morgens be-
 sonderer verziehung halb / bey dem Ehrsa-
 men Collegio Philosophico hiesiger
 Uniuersitet / auff ihrer Facultet Behau-
 sung mich eingestellt / vnd ohngefähr des
 gestrigen Wunders / mit was Umstän-
 den ichs gesehen meldung gethon / hat hie-

Mein erste
 Beschrei-
 bung.

A iij rauff